



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ითითალა

ითითალა, სოფელი საინგილოში (აზერბაიჯანის რესპ. ბელაქნის რ-ნი). ი. დაარსეს ალიაბადის მცხოვრებლებმა 1860-63. ახლად შერჩეულ მიწაზე დასახლება დაიწყო ინგილოებმა და „ითითალა“ დაარქვეს. უვარგისი მიწების გამო ზოგიერთი მოსახლე უკანვე დაბრუნდა ალიაბადში.

სტატისტ. ცნობის მიხედვით, 1872 ი-ში მხოლოდ 36 კომლი იყო, 1886 აღწერით – 68 (362 სული). 1980 მითითებულია 1370 სული, ხოლო ბოლო დროის მონაცემებით ითვლიან 700 კომლს. ცხოვრობენ მაჰმადიანი ინგილოები, სუნიტები.

სოფელში მცხოვრები საგვარეულოებიდან აღსანიშნავია: ზუბეილანები (ზუბეიშვილი), თარავალანები (თარვალიშვილი), კანანები (კანაშვილი), მატონები (მატოშვილი), ჯინდრიანები (ჯინდრიშვილი), შაპანები (შაპაშვილი) და სხვ.

ალიაბადელების მიერ სხვადასხვა ადგილას დაარსებულ დასახლებებს შორის ი. ბელაქნის რ-ნში ერთადერთია, რ-მაც დღემდე შეინარჩუნა ქართ. ენა და ქართ. სკოლა.

ისტ. ძეგლებიდან ყურადსაღებია თამარის ციხე – „ფერი ყალა“, რ-იც მდებარეობს ბელაქნის რ-ნში, ლაგოდეხ-შაქის მთავარი გზიდან დაახლ. 4-5 კმ-ის დაშორებით მდ. ბელაქნისწყლის ხეობაში. ბელაქნის ჩრდ-ით, მაღალი მთის კალთაზე უძველესი ნაგებობის ნანგრევებია, რ-საც „წერეთელ თახოს“ (წერეთლის ტახტი) ეძახიან.

ლიტ.: ა დ ა მ ი ა ი., ქართული ხალხური ხუროთმოძღვრება (საინგილო), თბ., 1979; ბ უ რ ჯ ა ე ვ ი თ. და სხვ., ინგილოდ წოდებულ ქართველთა ტრაგედია, თბ., 2001; ჯ ა ნ ა შ ვ ი

ლ ი მ., საინგილო, თბ., 1910 (კანზე – 1913).

**ა. ასრათოვი (ომარაშვილი)**

---